



KOMUNIKADO PA PRENSA

Fecha
2 di ougustus 2016

Kolaboradó di Maneho
Corinne Leysner

Email
corinne.leysner@gobiernu.cw

Desviashon di tráfiko na altura di Tera Kòrá

Willemstad – Pa motibu di trabounan na e kaminda pa bai Westpunt na altura di Tera Kòrá, ta bin un desviashon pa tráfiko durante di un siman. Esaki ta nesesario pa por traha riba un krusada elevá nobo na altura di UTS na Tera Kòrá. E trabounan ta tuma un siman. Obra Públiko i kontratista CWM a skohe pa hasi e trabou aworaki, pa asina evitá e tráfiko ku ta bira mas druk ora aña eskolar ta kuminsá.

E desviashon ta bai via di Kaya Pieda Natural i Kaya Boksit. Bòrchinan ta indiká unda pa kore. E trabou aki ta forma parti di algun adaptashon na e trabounan infrastruktral na Tera Kòrá ku ta tuma lugá riba petishon di komersiantenan i habitantenan. E trabounan na e krusada elevá ta kuminsá riba djaweps dia 4 di ougustus próksimo. Dentro di un siman e material mester seka pa e kaminda por habri normal pa tráfiko.